



SLUŽBENI GLASNIK

OPĆINE ZAVIDOVIĆI

Broj: **10.** Datum: 01.11.2005.

IZDAVAČ: Služba Općinskog vijeća i Općinskog načelnika
REDAKCIJSKI KOLEGIJ: PINJIĆ SAMIRA - Odgovorni urednik
ALIHODŽIĆ Idriz - član
ČAHTAREVIĆ Fatima - član

I – AKTI OPĆINSKOG VIJEĆA

Na osnovu člana 4. stav 1. i 2. Zakona o prometu nepokretnosti («Službeni list SRBiH», broj 38/78,4/89, 29/90 i 22/91 i «Službeni list R BiH», broj 21/92,3/93,13/94 i 18/94) i člana 55. Statuta Općine Zavidovići («Službeni glasnik općine Zavidovići», broj 11/04-Prečišćeni tekst i 8/05) Općinsko vijeće Zavidovići je na 14. sjednici održanoj dana 31.10.2005.godine, donijelo

O D L U K U**o ukidanju statusa nepokretnosti
u općoj upotrebi****Član 1.**

Utvrdjuje se da je izgubilo status nepokretnosti u općoj upotrebi zemljište u državnoj svojini označeno sa k.č. 1390/2 zv. «Podubravlje», livada 2. klase pov. 931 m², upisano u P.L. 221 K.O. Zavidovići kao DRSV Javni i nekategorisani putevi.

Član 2.

U roku od 15 dana od stupanja na snagu ove Odluke, u zemljišnim i drugim javnim knjigama, ima se brisati raniji upis zemljišta iz člana 1. ove odluke kao nekretnine u općoj upotrebi i ista će se upisati u korist DRSV Općina Zavidovići.

Član 3.

Sastavni dio ove odluke je skica snimanja lica mjesta.

Član 4.

Ova Odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
OPĆINSKO VIJEĆE

ZAMJENIK PREDSEDavajućeg
OPĆINSKOG VIJEĆA

Broj: 01-31-4847/05
Datum: 31.10.2005.godine

(M.P.)
Omer Muhić, s.r.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03 i 34/03), člana 42. Statuta Javnog preduzeća «Veterinarska stanica» Zavidovići (broj 69/97 od 28.05.1997 i 3/99 od 05.02.99), Odluke o standardima i kriterijima za imenovanje na upražnjenje pozicije u reguliranim tijelima Općine Zavidovići, («Službeni glasnik općine Zavidovići», broj 3/2004) Odluke o utvrđivanju i oglašavanju upražnjenih pozicija u reguliranim tijelima Općine Zavidovići («Službeni glasnik općine Zavidovići», broj 5/2004), i člana 55. Statuta općine Zavidovići («Službeni glasnik općine Zavidovići»; broj 11/2004 i 8/2005), Općinsko vijeće Zavidovići na 14. sjednici održanoj dana 31.10.2005.godine, donijelo je

R J E Š E N J E

o konačnom imenovanju predsjednika i članova Upravnog odbora Javnog preduzeća «Veterinarska stanica» Zavidovići

I

U Upravni odbor Javnog preduzeća «Veterinarska stanica» Zavidovići, imenuju se:

1. DURAJLIĆ MENSUR, dr.vet.med. - predsjednik, ispred osnivača
2. BJELIĆ NASIHA, dipl.pravnik - član, ispred osnivača
3. FEJZIĆ ZINETA - člana, iz reda zaposlenih

II

Članovi Upravnog odbora Javnog preduzeća «Veterinarska stanica» Zavidovići, imenuju se na period od četiri (4) godine.

III

Članovima Upravnog odbora Javnog preduzeća «Veterinarska stanica» Zavidovići pripada pravo na naknadu u skladu sa članom 6.Odluke o standardima i kriterijima za imenovanje na upražnjenje pozicije u reguliranim tijelima Općine Zavidovići («Službeni glasnik općine Zavidovići», broj 4/2004).

IV

Rješenje stupa na snagu danom donošenja, a objavit će se u «Službnim novinama FBiH» i «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

ZAMJENIK PREDSEDavajućEG
OPĆINSKOG VIJEĆA

Broj: 01-05-560/04
Datum, 31.10.2005.godine

(M.P.)

Omer Muhić, s.r.

Na osnovu člana 55. Statuta općine Zavidovići («Službeni glasnik općine Zavidovići», broj 11/04 – Prečišćeni tekst i 8/2005) i člana 36. i 37. stav 2. Poslovnika Općinskog vijeća Zavidovići («Službeni glasnik općine Zavidovići», broj 11/04 – Prečišćeni tekst i 8/2005), Općinsko vijeće Zavidovići na 14. sjednici od 31.10.2005.godine, donijelo je

R J E Š E N J E

o razrješenju predsjednika i člana Komisije za odlikovanja i javna priznanja

I

Razrješavaju se dužnosti predsjednik i član Komisije za odlikovanje i javna priznanja i to:

1. MUJARIĆ IDRIZ, predsjednik, i
2. OMERAŠEVIĆ SUAD, član

na osnovu podnešene pismene ostavke.

II

Rješenje stupa na snagu danom donošenja i bit će objavljeno u «Službenom glasniku općine Zavidovići»

OPĆINA ZAVIDOVIĆI
-OPĆINSKO VIJEĆE-

ZAMJENIK PREDSJEDAVAJUĆEG
OPĆINSKOG VIJEĆA

Broj: 01-05-4403/05
Datum, 31.10.2005.godine

(M.P.)

Omer Muhić, s.r.

- 409 -

Na osnovu člana 55. Statuta općine Zavidovići («Službeni glasnik općine Zavidovići», broj 11/04 – Prečišćeni tekst i 8/2005) i člana 36.i 37. stav 2. Poslovnika Općinskog vijeća Zavidovići («Službeni glasnik općine Zavidovići», broj 11/04 – Prečišćeni tekst i 8/2005), Općinsko vijeće Zavidovići na 14. sjednici od 31.10.2005.godine, donijelo je

R J E Š E N J E

o izmjeni Rješenja o imenovanju predsjednika i članova Komisije za odlikovanja i javna priznanja

I

U Rješenju o imenovanju predsjednika i članova Komisije za odlikovanja i javna priznanja broj 01-05-5006/04 od 23.11.2004.godine («Službeni glasnik općine Zavidovići», broj 14/2004 i 5/05),

- u tački I pod rednim brojem 1. umjesto «MUJARIĆ IDRIZ, predsjednik», imenuje se «ĆOSIĆ JASMIN, predsjednik».

- u tački I pod rednim brojem 5. umjesto «OMERAŠEVIĆ SUAD, član», imenuje se «MUJKIĆ EDIN, član».

II

Rješenje stupa na snagu danom donošenja i bit će objavljeno u «Službenom glasniku općine Zavidovići»

OPĆINA ZAVIDOVIĆI
-OPĆINSKO VIJEĆE-

ZAMJENIK PREDSJEDAVAJUĆEG
OPĆINSKOG VIJEĆA

Broj: 01-05-4410/05
Datum, 31.10.2005.godine

(M.P.)

Omer Muhić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004), Općinsko vijeće Zavidovići na 14.sjednici od 31.10.2005. godine, razmatralo je Informaciju o položaju penzionera sa aspekta životnog standarda na području općine Zavidovići, pa nakon rasprave, donijelo

ZAKLJUČAK

I

Općinsko vijeće Zavidovići prihvata Informaciju o položaju penzionera sa aspekta životnog standarda na području općine Zavidovići sa zaključnim razmatranjima.

II

Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

Broj: 01-05-4464/05
Datum, 31.10.2005.godine

ZAMJENIK PREDSEDavajućeg
OPĆINSKOG VIJEĆA

(M.P.) Omer Muhić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004-prečišćeni tekst i 8/2005), Općinsko vijeće Zavidovići na 14.sjednici od 31.10.2005. godine razmatralo je Inicijativu Kluba vijećnika Socijal-demokratske partije za pokretanje postupka zaštite prava na lokalnu samoupravu pred Ustavnim sudom Federacije BiH radi ukidanja zabrane gradnje na području predviđenom za izgradnju hidroakumulacije «Krajnići», pa nakon rasprave donijelo

Z A K L J U Č A K

1. Općinsko vijeće Zavidovići prihvata Inicijativu Kluba vijećnika Socijal-demokratske partije za pokretanje postupka zaštite prava na lokalnu samoupravu pred Ustavnim sudom Federacije BiH radi ukidanja zabrane gradnje na području predviđenom za izgradnju hidroakumulacije «Krajnići».

2. Općinsko vijeće Zavidovići zadužuje Općinskog načelnika da u saradnji sa Općinskim pravobraniocem i nadležnim službama Općine pripremi podatke i kompletnu dokumentaciju, na osnovu koje će sačiniti zahtjev za pokretanje postupka pred Ustavnim sudom Federacije u skladu sa podnešenom i prihvaćenom inicijativom.

3. O realizaciji ovog zaključka staraće se Kabinet Općinskog načelnika.

4. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

ZAMJENIK PREDSEDavajućeg
OPĆINSKOG VIJEĆA

Broj: 01-05-4546/05
Datum, 31.10.2005.godine

(M.P.)

Omer Muhić, s.r.

Na osnovu člana 93., a u vezi sa članom 101. Poslovnika Općinskog vijeća Zavidovići («Službeni glasnik općine Zavidovići», broj 11/2004-prečišćeni tekst i 8/2005), Općinsko vijeće Zavidovići na 14.sjednici od 31.10.2005. godine razmatralo je Inicijativu Kluba vijećnika Stranke demokratske akcije za izmjenu Odluke o nazivima ulica, pa nakon rasprave donijelo

Z A K L J U Č A K

1. Općinsko vijeće Zavidovići prihvata Inicijativu Kluba vijećnika Stranke demokratske akcije broj 108/05 od 20.10.2005.godine za izmjenu Odluke o nazivima ulica.

2. Općinsko vijeće Zavidovići zadužuje Općinskog načelnika da odredi način pripremanja podataka za izradu Odluke o izmjenama i dopunama Odluke o nazivima ulica.

3. Općinsko vijeće Zavidovići predlaže Općinskom načelniku da zaduži postojeću Komisiju da sačini Nacrt odluke o izmjenama i dopunama Odluke o nazivima ulica u skladu sa podnešenom inicijativom Kluba vijećnika SDA.

4. O realizaciji ovog zaključka staraće se Kabinet Općinskog načelnika i Komisija formirana od Općinskog načelnika.

5. Rok za izradu Nacrta odluke je 30 dana.

6. Zaključak stupa na snagu danom donošenja.

OPĆINA ZAVIDOVIĆI
- OPĆINSKO VIJEĆE -

ZAMJENIK PREDSEDavajućeg
OPĆINSKOG VIJEĆA

Broj: 01-23-4799/05
Datum, 31.10.2005.godine

(M.P.)

Omer Muhić, s.r.

Na osnovu člana 63. stav 1., a u vezi sa članom 55. Poslovnika Općinskog vijeća Zavidovići («Službeni glasnik općine Zavidovići», broj 11/2004 i 8/2005), Općinsko vijeće Zavidovići na 14. sjednici od 31.10.2005. godine, prilikom utvrđivanja dnevnog reda 14. sjednice Općinskog vijeća, donesen je

Z A K L J U Č A K

1. Općinsko vijeće Zavidovići povlači s dnevnog reda sjednice Općinskog vijeća 12. tačku koja glasi: Prijedlog rješenja o naknadama za rad u Komisiji za procjenu prometne vrijednosti nepokretnosti.

2. Prijedlog rješenja sa obrazloženjem bit će razmotren na jednoj od narednih sjednica Općinskog vijeća, nakon što budu prikupljeni podaci o visini naknade za rad Komisije iz općina koje su u okruženju naše općine.

3. Zaključak stupa na snagu odmah.

OPĆINA ZAVIDOVIĆI
- OPĆINSKO VIJEĆE -

Broj: 01-14-4797/05
Datum, 31.10.2005.godine

ZAMJENIK PREDSEDavajućeg
OPĆINSKOG VIJEĆA

Omer Muhić, s.r.

(M.P.)

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 03-37-4610/05

Datum, 18.10.2005.godine

Na osnovu člana 23., 24. i 29. Zakona o zaštiti stanovništva od zaraznih bolesti («Službene novine FBiH», broj 29/2005), Naredbe Ministarstva zdravstva Zeničko-dobojskog kantona broj 11-37-26279-1/05 od 30.09.2005. godine i člana 65. Statuta općine Zavidovići («Službeni glasnik općine Zavidovići», broj 11/2004-prečišćeni tekst), Općinski načelnik Zavidovići, dana 18.10.2005.godine, donio je

N A R E D B U**o sprovođenju jesenje faze preventivne sistematske
deratizacije općine Zavidovići za 2005.godinu****I**

NAREĐUJE SE sprovođenje preventivne sistematske DERATIZACIJE na području općine Zavidovići u periodu od 01.11.2005. do 06.11.2005.godine – jesenja faza.

II

Deratizaciju će sprovesti Kantonalni zavod za javno zdravstvo Zenica uz angažovanje HES JU Dom zdravlja sa poliklinikom Zavidovići.

III

Provođenju preventivne deratizacije podliježu:

a) Javne i zelene površine u pojasu naselja sa koncentrisanim stanovništvom (gradska naselja), obale površinskih vodotoka u gradskim i prigradskim zonama, centralne deponije smeća, kao i nezvanična smetlišta u gradskim naseljima, vaspitno obrazovni i kulturni objekti i njihovi prostori, objekti javnih zdravstvenih ustanova, javne ustanove administrativnog karaktera, individualne stambene zgrade u privatnom vlasništvu u užim gradskim zonama, javni vodoopskrbni objekti i vjerski objekti i groblja.

b) Kanalizacione mreže sa šahtovima i izlivnim kolektorima, površine i prostori privrednih i poslovnih preduzeća, stacionarni objekti i sredstva javnog saobraćaja, objekti za proizvodnju, promet i skladištenje hrane, ugostiteljski objekti, objekti za pružanje usluga javne higijene i zajednički prostori stambenih zgrada (podrumi i tavan).

Troškove sprovođenja deratizacije navedene u stavu III/b snose subjekti koji njima upravljaju.

IV

Subjekti koji podliježu sprovođenju preventivne sistematske deratizacije su dužni obezbijediti nesmetan rad ekipama izvođača bez obzira na parcijalne radove ili ugovore koje posjeduju.

V

Nadzor i kontrola sprovođenja akcije deratizacije provodit će ovlašteni općinski sanitarni inspektor Hadžić Ibro.

VI

Ova naredba stupa na snagu danom donošenja, a objavit će se u «Službenom glasniku općine Zavidovići».

OPĆINSKI NAČELNIK

Izet Bašić, dipl.ing.agr., s.r.

(M.P.)

Na osnovu člana 66. stav 2. Zakona o organizaciji organa uprave u Federaciji Bosne i Hercegovine («Službene novine Federacije BiH», broj 35/05), člana 46. stav 2. Zakona o državnoj službi u Federaciji Bosne i Hercegovine («Službene novine Federacije BiH», broj 29/03, 23/04, 39/04 i 54/04), člana 47. stav 1. Zakona o namještenicima u organima državne službe u Federaciji Bosne i Hercegovine («Službene novine Federacije BiH», broj 49/05), odredaba Općeg kolektivnog ugovora za teritoriju Federacije Bosne i Hercegovine («Službene novine F BiH», broj 54/05) i člana 65. Statuta općine Zavidovići («Službeni glasnik općine Zavidovići», broj 11/04 i 8/05), Općinski načelnik Zavidovići, dana 20.10.2005. godine donio je

P R A V I L N I K

o plaćama i naknadama plaće državnih službenika i namještenika u jedinstvenom Općinskom organu uprave i posebnih službi, i drugim organima Općine Zavidovići

Član 1.

Pravilnikom o plaćama i naknadama plaća državnih službenika i namještenika u jedinstvenom Općinskom organu uprave i posebnih službi, i drugim organima Općine Zavidovići (u daljem tekstu: Pravilnik), regulišu se prava državnih službenika i namještenika na plaću i dodatke na plaću po osnovu rada i radnih odnosa, osim naknada i drugih materijalnih prava koja nemaju karakter plaće, u jedinstvenom Općinskom organu uprave i posebnih službi, i drugim organima Općine Zavidovići.

Član 2.

Državni službenici i namještenici imaju pravo na plaću koja odgovara radnom mjestu državnog službenika i namještenika.

Polazna osnova za obračun plaće za sve državne službenike i namještenike je ista na svim niovima vlasti i utvrđuje je Vlada Federacije Bosne i Hercegovine.

Do donošenja osnove iz prethodnog stava primjenjivati će se važeća osnova za obračun plaće državnih službenika i namještenika.

Član 3.

Plaća se određuje tako da se osnova pomnoži sa koeficijentom platnog razreda i ukupan iznos uveća na osnovu radnog staža.

Član 4.

Koeficijente koji se odnose na platne razrede i unutar platnih razreda određuje Općinsko vijeće za državne službenike i namještenike u skladu sa radnim mjestima u jedinstvenom Općinskom organu uprave i posebnih službi, i drugim organima Općine Zavidovići, koja su propisana Pravilnikom o unutrašnjoj organizaciji jedinstvenog Općinskog organa uprave i posebnih službi Općine Zavidovići i Pravilnikom o unutrašnjoj organizaciji Općinskog pravobranilaštva Zavidovići

- 417 -

Koeficijente za platne razrede državnih službenika i namještenika u jedinstvenom Općinskom organu uprave i posebnih službi, i drugim organima Općine Zavidovići, određuje Općinsko vijeće Zavidovići posebnom Odlukom o utvrđivanju platnih razreda i koeficijenata za plaće državnih službenika i namještenika po prijedlogu Općinskog načelnika, a koja je sastavni dio ovog Pravilnika.

Član 5.

Sredstva za plaće državnih službenika i namještenika jedinstvenog Općinskog organa uprave i posebnih službi, i drugih organa Općine Zavidovići, obezbjeđuju se u Budžetu općine Zavidovići.

Član 6.

Plaća državnih službenika i namještenika se uvećava za 0,6% za svaku započetu godinu radnog staža, a najviše do 20%

Član 7.

Državni službenici imaju pravo na povećanje plaće koji u posljednje dvije uzastopne godine budu ocijenjeni ocjenom:

- najmanje «izuzetno uspješan» imaju pravo na povećanje plaće u iznosu najviše do 20% od visine plaće utvrđene za to radno mjesto, s tim da takvim povećanjem ne prelazi plaću narednog platnog razreda,
- najmanje «uspješan» imaju pravo na povećanje plaće u iznosu najviše do 10% utvrđene za to radno mjesto, i
- najmanje ocjenom «zadovoljava» imaju pravo na povećanje plaće u iznosu najviše do 5% od visine plaće utvrđene za to radno mjesto.

Član 8.

Namještenici imaju pravo na povećanje plaće svake kalendarske godine kada budu u prethodnoj godini ocijenjeni ocjenom:

- «naročito uspješan» imaju pravo na povećanje plaće u iznosu od 5% do 10% od visine osnovne plaće radnog mjesta na koje je postavljen, i
- «uspješan» imaju pravo na povećanje plaće do 5% od visine osnovne plaće utvrđene za to radno mjesto.

Povećanje plaće iz stava 1. člana 7. i 8. važi samo za kalendarsku godinu u odnosu na godinu dobijanja ocjene.

Član 9.

Državnim službenicima koji privremeno obavljaju poslove upražnjenog radnog mjesta u jedinstvenom Općinskom organu uprave i posebnih službi, i drugim organima Općine Zavidovići, u slučaju kada se to radno mjesto ne može popuniti zbog nemogućnosti osiguravanja kadrova, kao i u slučajevima zamjene odustnog državnog službenika iz određenih razloga duže od 30 dana, povećava se plaća do 50% u zavisnosti od nastalog povećanja obima posla, u skladu sa članom 41. Zakona o državnoj službi u FBiH.

Namještenici koji privremeno obavljaju poslove upražnjenog radnog mjesta u jedinstvenom Općinskom organu uprave i posebnim službama, i drugim organima Općine Zavidovići, do popune tog radnog mjesta u skladu sa Zakonom o namještenicima, ili obavljaju poslove drugog radnog mjesta zbog odustnosti namještenika duže od 30 dana, imaju pravo na povećanje plaće do 50% u zavisnosti od povećanja obima posla.

- 418 -

Član 10.

Državni službenici imaju pravo na punu plaću za vrijeme godišnjeg odmora i plaćenog odsustva i za prvih 30 dana odustva sa posla zbog bolesti ili invalidnosti, kao i za vrijeme suspenzije, ako posebnim zakonom ili kolektivnim ugovorom za pojedine od tih slučajeva nije drugačije određeno.

Namještenici imaju pravo na punu plaću za vrijeme korištenja godišnjeg odmora i plaćenog odsustva i za prva 42 dana zbog bolesti ili invalidnosti, kao i za vrijeme suspenzije, ako posebnim zakonom ili kolektivnim ugovorom za pojedine od tih slučajeva nije drugačije određeno.

Član 11.

Državni službenik koji je zasnovao radni odnos sa radnim vremenom kraćim od punog radnog vremena (skraćeno radno vrijeme), ima prava i obaveze državnog službenika koji radi sa punim radnim vremenom s tim što ta prava i obaveze ostvaruje u obimu koji zavisi od dužine radnog vremena, odnosno srazmjerno broju sati utvrđenog vremena, što se bliže utvrđuje kolektivnim ugovorom.

Ako skraćeno vrijeme traje manje od pet sati u toku radnog dana, u tom slučaju državni službenik nema pravo na dnevni odmor u toku radnog dana, a ima pravo na topli obrok u visini od 50% od punog dnevnog iznosa toplog obroka.

Pravilnikom o unutrašnjoj organizaciji organa državne službe utvrđuju se radna mjesta sa skraćenim radnim vremenom i određuje se dužina radnog vremena.

Namještenik koji je zasnovao radni odnos na određeno vrijeme u skladu sa članom 30. Zakona o namještenicima u organima državne službe sa punim radnim vremenom učestvuje u raspodjeli sredstava za plaće, kao i namještenik koji je zasnovao radni odnos na neodređeno vrijeme sa punim radnim vremenom.

Član 12.

Plaća državnog službenika i namještenika isplaćuje se unatrag jednom mjesečno, ako zakonom ili drugim propisom nije drugačije određeno.

Član 13.

Državni službenik i namještenik kojem u toku godine prestane radni odnos, učestvuje u raspodjeli sredstava za plaće po periodičnom obračunu i završnom računu srazmjerno vremenu provedenom na radu i ostvarenim rezultatima rada.

Član 14.

Osnovna plaća uvećava se:

- | | |
|---|-----------------------|
| - za noćni rad | 30 % od bruto satnice |
| - za prekovremeni rad | 30 % od bruto satnice |
| - za rad subotom i nedjeljom
(ako su neradni dani) | 20% od bruto satnice |
| - za rad na dan državnih praznika | 50% od bruto satnice |

Osnov za povećanje plaće iz prethodnog stava je ostvarena plaća državnog službenika i namještenika u tekućem mjesecu.

Dodaci iz stava 1. ovog člana se međusobno ne isključuju.

- 419 -

Član 15.

Plaće državnih službenika i namještenika utvrđuju se rješenjem Općinskog načelnika.
Prava na ostale naknade predviđene ovim Pravilnikom po zahtjevu državnih službenika i namještenika utvrđuju se rješenjem Općinskog načelnika.

Član 16.

Za vrijeme trajanja pripravničkog staža, pripravniku pripada plaća u skladu sa zakonom.

Član 17.

Državni službenik i namještenik koji je premješten u skladu sa zakonom na drugo radno mjesto učestvuje u raspodjeli sredstava za plaće prema radu i rezultatima rada ostvarenim na tim poslovima, odnosno radnim zadacima.

- ZAVRŠNE ODREDBE -**Član 18.**

Odredbe ovog Pravilnika primjenjuju se i na državne službenike i namještenike u Općinskom pravobranilaštvu Zavidovići i za Općinskog načelnika.

Član 19.

Na pitanja koja nisu regulisana ovim Pravilnikom shodno se primjenjuju odredbe zakona, i podzakonskih akata koje regulišu ovu oblast.

Član 20.

Izmjene i dopune ovog Pravilnika vrše se na način i postupak za njegovo donošenje.

Član 21.

Ovaj Pravilnik stupa na snagu prvog narednog dana od dana objavljivanja u «Službenom glasniku općine Zavidovići», a primjenjuje se od 01.11.2005.godine.

Član 22.

Stupanjem na snagu ovog Pravilnika prestaju se primjenjivati svi akti kojima su se regulisali plaće u jedinstvenom Općinskom organu uprave i posebnim službama, i drugim organima Općine Zavidovići za sve državne službenike i namještenike.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK

Izet Bašić, dipl ing. agr., s.r.

Broj: 02-34-4375/05

Datum: 20.10.2005.godine

(M.P.)

Na osnovu člana 66. stav 2. Zakona o organizaciji organa uprave u Federaciji Bosne i Hercegovine («Službene novine F BiH», broj 35/05), člana 1a. Uredbe o naknadama i drugim materijalnim pravima koja nemaju karakter plaće («Službene novine FBiH», broj 34/04 i 56/04), člana 26. Uredbe o naknadama troškova za službena putovanja («Službene novine FBiH», broj 75/04) i člana 65. Statuta općine Zavidovići («Službeni glasnik općine Zavidovići», broj 11/04 i 8/05), Općinski načelnik Zavidovići dana 20.10.2005.godine, d o n o s i

P R A V I L N I K

o ostvarivanju naknada i drugih materijalnih prava koja nemaju karakter plaće

Član 1.

Pravilnikom o ostvarivanju naknada i drugih materijalnih prava koja nemaju karakter plaće (u daljem tekstu: Pravilnik), uređuju se uslovi, kriteriji i način ostvarivanja naknada i drugih materijalnih prava koja pripadaju rukovodećim državnim službenicima, ostalim državnim službenicima i namještenicima (u daljem tekstu: službenicima i namještenicima), u jedinstvenom Općinskom organu uprave i posebnim službama, i drugim organima Općine Zavidovići.

I – Naknada za prijevoz na posao i sa posla

Član 2.

Službeniku i namješteniku kome nije organizovan prijevoz na posao i sa posla, a čije je mjesto stanovanja udaljeno od mjesta rada, najmanje dva kilometara pripada naknada ili mjesečna karta za troškove prijevoza u visini mjesečne karte gradskog, prigradskog, odnosno međugradskog saobraćaja. Pravo na naknadu u ovom slučaju službenici i namještenici ostvaruju na osnovu pismenog zahtjeva

Pravo na naknadu troškova prijevoza u međugradskom saobraćaju imaju oni službenici i namještenici koji dolaze na posao iz mjesta prebivališta koje se nalazi van područja općine Zavidovići.

Pravo na naknadu troškova prijevoza iz stava 2. ovog člana službenici i namještenici ostvaruju na osnovu pismenog zahtjeva, u kojem se navodi adresa stvarnog stanovanja u mjestu prebivališta i da svakodnevno putuje od tog mjesta do mjesta rada, s potvrdom o prebivalištu i pismenim dokazom firme čiji se dokaz koristi za dolazak na posao i povratak sa posla (dnevna ili mjesečna karta).

Zloupotreba korištenja naknade utvrđene ovim članom smatra se materijalnom štetom i podliježe obavezi odgovornosti za štetu u skladu sa članom 60. Zakona o državnoj službi u F BiH («Službene novine F BiH», broj: 29/03, 23/04, 39/04 i 54/04).

- 421 -

Član 3.

Službeniku i namješteniku koji za potrebe prijevoza dolaska na posao i povratka sa posla, uz prethodno pismeno odobrenje Općinskog načelnika, koristi privatni automobil u tom slučaju pripada naknada od 20% cijene litra utrošenog goriva po pređenom kilometru na odobrenoj relaciji od mjesta stanovanja do mjesta rada.

Službeniku i namješteniku koji, uz prethodno odobrenje Općinskog načelnika, za potrebe službenog putovanja ili za potrebe vršenja službe u mjestu rada i bližoj okolini (loko vožnja), koristi privatni automobil, pripada naknada u iznosu i pod uslovima utvrđenim u stavu 1. ovog člana.

II – Naknada za ishranu za vrijeme rada (topli obrok)

Član 4.

Službenik i namještenik ima pravo na naknadu za ishranu za vrijeme rada (topli obrok) samo za dane prisustva na poslu, u iznosu od 2% prosječne plaće u Federaciji Bosne i Hercegovine, prema posljednjem objavljenom podatku Federalnog zavoda za statistiku.

Pravo na naknadu iz stava 1. ovog člana ne ostvaruje se u slučaju odsustvovanja sa posla po bilo kojem opravdanom ili neopravdanom osnovu (službeni put, plaćeno odsustvo, rad na terenu, odsustvo zbog bolesti i slično).

III – Naknada za regres za godišnji odmor

Član 5.

Službenik i namještenik ima pravo na naknadu na ime regresa za korištenje godišnjeg odmora u iznosu od najmanje 70% njegove plaće utvrđene rješenjem o plaći, odnosno najmanje u visini prosječne plaće isplaćene u Federaciji Bosne i Hercegovine za prethodna tri mjeseca prije donošenja rješenja o regresu, ako je to za službenika, odnosno namještenika povoljnije.

IV - Naknada za službeni put

Član 6.

Za službeno putovanje službeniku i namješteniku pripadaju naknade za službeno putovanje koje obuhvataju naknadu za smještaj, ishranu i prijevozne i druge troškove predviđene ovim Pravilnikom.

Član 7.

Pod službenim putovanjem, u smislu ovog Pravilnika, smatra se putovanje na području Federacije Bosne i Hercegovine, kao i putovanje u inostranstvo, na koji se službenik upućuje da izvrši određeni službeni zadatak (posao).

Pod službenim putovanjem na području Federacije BiH, odnosno Bosne i Hercegovine, smatra se ono putovanje koje se vrši van sjedišta jedinstvenog Općinskog organa uprave i posebnih službi, i drugih organa Općine Zavidovići, a putovanje u inostranstvo podrazumjeva putovanje u stranu zemlju.

- 422 -

Član 8.

Službeno putovanje se odobrava izdavanjem propisanog naloga za službeno putovanje.

Nalog za službeno putovanje službenika i namještenika izdaje Općinski načelnik, odnosno drugi rukovodeći državni službenik kojeg Općinski načelnik ovlasti posebnim rješenjem.

Nalog za službeno putovanje Općinskog načelnika izdaje Sekretar organa državne službe ili drugi rukovodeći državni službenik kojeg Općinski načelnik ovlasti posebnim rješenjem.

Član 9.

Dnevnicu za službeno putovanje u zemlji utvrđuje se u visini od najmanje 10% od prosječne plaće ostvarene u Federaciji BiH u posljednja tri mjeseca.

Dnevnicu za službeno putovanje pripada službeniku i namješteniku prema broju sati provedenih na službenom putovanju

Dnevnicu se obračunava od sata polaska na službeno putovanje do sata povratka sa tog putovanja.

Pod dnevnicom, u smislu ovog Pravilnika, podrazumjeva se naknada za ishranu na službenom putovanju.

Službeniku i namješteniku na službenom putovanju pripada dnevnicu, i to:

- cijela dnevnicu za svaka 24 sata provedena na službenom putovanju, odnosno za službeno putovanje koje traje duže od 12 sati,
- pola dnevnice ako službeno putovanje traje od 8 do 12 sati.

Pripadajuća dnevnicu za službeno putovanje umanjuje se za 30%, ako je na službenom putovanju osigurana besplatna ishrana.

Pripadajuća dnevnicu za službeno putovanje se uvećava za 70% ako u mjestu službenog putovanja nema hotelskog smještaja ili ako se on ne koristi.

Član 10.

Naknada za smještaj (noćenje) obračunava se u visini plaćenog hotelskog računa, osim hotela «de lux» kategorije.

Za hotel «de lux» kategorije izdatak za noćenje obračunava se najviše do iznosa cijene hotela «A» kategorije u istom mjestu.

Član 11.

Službeniku i namješteniku pripada naknada za prevoz putničkim automobilom u ličnoj svojini na službenom putovanju u visini do 20% cijene litre super benzina po pređenom kilometru.

Odobrenje za upotrebu putničkog automobila u ličnoj svojini za službene potrebe daje općinski načelnik za sve službenike i namještenike.

Visinu naknade u smislu stava 1. ovog člana određuje Općinski načelnik.

Član 12.

Ako je službeno putovanje izvršeno avionom, vozom ili brodom, službeniku i namješteniku se priznaje iznos u visini cijene iz putničke tarife za prevoz sredstvom ove vrste.

Službenik i namještenik ima pravo na upotrebu kola za spavanje, brodski krevet i na prevoz avionom samo kada je to u putnom nalogu odobreno.

- 423 -

Ako su u cijenu karte za putovanje brodom uračunati troškovi za hranu i prenočište i ako su u cijenu avionske karte, zbog prekida putovanja, uračunati troškovi za hranu i smještaj, dnevnica se umanjuje za 80 %.

Član 13.

Naknada za službeno putovanje u inostranstvo sastoji se iz naknade za troškove boravka u inostranstvu, naknade prevoznih troškova kao i drugih troškova koje je službenik imao u vezi sa preduzimanjem službenog putovanja u inostranstvo u skladu sa posebnim propisima.

Drugim troškovima koji nastaju prilikom službenog putovanja u inostranstvo podrazumijevaju se izdaci u vezi sa pribavljanjem putnih isprava, vakcinacije, liječničkih pregleda, službene pošte, taksa, telefon, telefax, stenodaktilografske usluge koje se obračunavaju u skladu sa posebnim propisima.

Član 14.

Pod službenim putovanjem u inostranstvo podrazumijeva se i službeno putovanje službenika van teritorije Bosne i Hercegovine u neku inostranu zemlju i obratno, iz jedne inostrane zemlje u drugu.

Član 15.

Visina dnevnice za službeno putovanje u inostranstvo za svaku stranu državu pojedinačno utvrđuje Vlada Federacije BiH posebnim rješenjem.

Član 16.

Odluka o odobrenju službenog putovanja u inostranstvo može se donijeti pod uslovom da su obezbjeđena devizna sredstva.

Član 17.

Službeniku i namješteniku na osnovu naloga za putovanje može se isplatiti akontacija po njegovom zahtjevu akontacija na ime procijenjenih troškova.

Član 18.

Po završenom službenom putovanju službenik i namještenik je dužan da u roku od pet dana podnese obračun putnih troškova i primljene akontacije.

V – Naknada za troškove edukacije

Član 19.

Službenik i namještenik ima pravo na naknadu troškova za edukaciju koja se organizuje i izvodi po programu obuke organa iz člana 1. ovog Pravilnika, ili kada se upućuje na seminare, savjetovanje i druge vidove stručnog usavršavanja, kao i druge vidove obuke potrebne za rad na radnom mjestu u službi i organu.

Naknada iz stava 1. ovog člana odobrava se u visini cijene koja se utvrdi za određene oblike, odnosno programe edukacije.

VI - Jubilarna nagrada**Član 20.**

Službenik i namještenik ima pravo na jubilarnu nagradu koja se isplaćuje u skladu sa kolektivnim ugovorom.

VII – Nagrade za rezultate rada**Član 21.**

Službeniku i namješteniku koji u toku kalendarske godine, u razdoblju od najmanje šest mjeseci neprekidno, po obimu i kvalitetu postiže natprosječne rezultate u radu, u izvršavanju poslova na radnom mjestu na kojem je raspoređen može se dodijeliti nagrada za te rezultate rada.

Nagrada se utvrđuje u iznosu do visine prosječne plaće isplaćene u Federaciji Bosne i Hercegovine za posljednja tri mjeseca prije dodjele nagrade prema posljednjem podatku Federalnog zavoda za statistiku.

Odluku o dodjeli nagrade iz stava 1. ovog člana donosi općiniski načelnik na prijedlog rukovodećeg službenika iz Službe u kojoj se službenik, odnosno namještenik nalazi ili na osnovu vlastite odluke.

VIII – Naknada za slučaj smrti**Član 22.**

U slučaju smrti službenika ili namještenika isplaćuju se tri prosječne plaće isplaćene u Federaciji Bosne i Hercegovine za prethodna tri mjeseca prije donošenja rješenja o isplati te naknade.

U slučaju smrti užeg člana porodice službenika ili namještenika isplaćuju se dvije prosječne plaće isplaćene u Federaciji Bosne i Hercegovine za prethodna dva mjeseca prije donošenja rješenja o isplati te naknade.

Ukoliko u jedinstvenom Općinskom organu uprave i posebnim službama, i drugim organima Općine Zavidovići, rade dva ili više članova porodice iz člana 24. ovog Pravilnika, pravo na troškove utvrđene u stavu 2. ovog člana ostvaruje jedan član porodice.

IX - Naknada za slučaj teške invalidnosti ili teške bolesti**Član 23.**

U slučaju teške invalidnosti ili teške bolesti službenika i namještenika, ili člana njegove uže porodice, jednom godišnje isplaćuje se jednokratna pomoć u visini njegove tri plaće isplaćene u prethodna tri mjeseca ili tri prosječne mjesečne plaće isplaćene u Federaciji Bosne i Hercegovine, ako je to za njega povoljnije.

Službeniku, odnosno namješteniku može se u skladu sa raspoloživim sredstvima i na osnovu saglasnosti Općinskog načelnika isplatiti dio ili ukupni troškovi liječenja teške invalidnosti ili teške bolesti u zdravstvenoj ustanovi u kojoj je on platio troškove tog liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.

Pod teškom bolešću iz stava 1. i 2. ovog člana podrazumjevaju se slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani moždani), oboljenje mišićnog sistema, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede.

Bolest, odnosno teška povreda se dokazuje na osnovu dijagnoze ovlaštene osobe zdravstvene struke, odnosno zdravstvene ustanove.

Pravo na jednokratnu pomoć iz stava 1. ovog člana, a na osnovu teške invalidnosti ostvaruje se za utvrđeni stepen invalidnosti od najmanje 60%.

Jednokratna novčana pomoć iz stava 1. ovog člana može se dodijeliti i službeniku, odnosno namješteniku koji je operisan od bolesti koje nisu obuhvaćene odredbama ovog člana, ukoliko je takva operacija neophodna radi sprečavanja teške invalidnosti ili teške bolesti.

Član 24.

Pod članom uže porodice iz člana 22 i 23. ovog Pravilnika, podrazumjevaju se slijedeći članovi porodice službenika odnosno namještenika:

1. suprug-a u braku ili van braka, ako žive u zajedničkom domaćinstvu;
2. djeca rođena u braku, van braka, zakonito usvojena ili pastorčad do 18 odnosno do 26 godina starosti, ako se nalaze na redovnom školovanju i nisu u radnom odnosu, djeca nesposobna za rad, bez obzira na starosnu dob;
3. roditelji (otac, majka, očuh, maćeha i posvojitelji) bez obzira da li žive u zajedničkom domaćinstvu sa službenikom odnosno namještenikom;
4. braća i sestre bez roditelja do 18 godina, odnosno do 26 godina starosti, ako se nalaze na redovnom školovanju i nemaju drugih prihoda već ih korisnik naknade stvarno uzdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob pod uslovom da sa njima žive u zajedničkom domaćinstvu;
5. unučad pod uslovima iz tačke 2. ovog člana, ako nemaju roditelja i žive u zajedničkom domaćinstvu sa korisnikom naknade

X - Naknada za odlazak u penziju

Član 25.

Službenik i namještenik imaju pravo na otpremninu prilikom odlaska u penziju u iznosu od šest njegovih plaća isplaćenih u prethodnih šest mjeseci ili šest prosječnih mjesečnih plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije.

XI – Otpremnina za prekobrojnost

Član 26.

Službenik kome prestane radni odnos zbog prekobrojnosti u smislu člana 36. Zakona o državnoj službi u F BiH, ima pravo na otpremninu u iznosu od šest mjesečnih plaća.

U obračun za utvrđivanje visine otpremnine u obzir se uzima plaća službenika koju je imao u posljednja tri mjeseca prije donošenja konačnog rješenja o prestanku radnog odnosa zbog prekobrojnosti.

Razriješeni službenik sa radnim stažom dužim od šest godina ima pravo na jedan dodatni mjesec otpremnine za svaku narednu godinu radnog staža, a najviše do 12 godina radnog staža.

Otpremnina za službenika koji ima više od dvanaest godina radnog staža jednaka je iznosu od 12 jednomjesečnih plaća.

Član 27.

Namještenik kome prestane radni odnos zbog prekobrojnosti iz člana 39. Zakona o namještenicima u organima državne službe u Federaciji Bosne i Hercegovine, ima pravo na otpremninu koja iznosi:

1) za radni staž manji od šest godina – šest njegovih plaća ostvarenih na radnom mjestu u organu državne službe u kojem se nalazi u momentu prestanka radnog odnosa,

2) za radni staž duži od šest godina – otpremnina iz tačke 1. stav 1. ovog člana povećava se do šest mjesecnih plaća, s tim da se to povećanje računa pojedinačno za svaku narednu navršenu kalendarsku godinu.

Za namještenika koji ima više od 12 godina radnog staža otpremnina iznosi 12 njegovih plaća koje je ostvario u organu državne službe u kojem radi.

Otpremnina iz ovog člana isplaćuje se odmah kada rješenje o prestanku radnog odnosa zbog prekobrojnosti postane konačno.

Član 28.

Otpremnina iz člana 13. i 14. se obračunava i isplaćuje iz Budžeta Općine Zavidovići.

XII – Otpremnina za prestanak radnog odnosa u procesu revizije

Član 29.

Službenik kome prestane radni odnos u skladu sa odredbama člana 67. Zakona o državnoj službi u Federaciji Bosne i Hercegovine, ima pravo na otpremninu u visini prosječne mjesečne plaće isplaćene u jedinstvenom Općinskom organu uprave i posebnim službama, i drugim organima Općine Zavidovići u mjesecu koji je prethodio mjesecu u kojem je službenik primio konačnu odluku o prestanku radnog odnosa.

Otpremnina iz stava 1. ovog člana isplaćuje se službeniku za ukupan radni staž osiguranja, a utvrđuje se tako da se prosječna plaća iz stava 1. ovog člana pomnoži sa koeficijentom i to za:

Radni staž osiguranja

- a) do 5 godina
- b) od 5 do 10 godina
- c) od 10 do 20 godina
- d) više od 20 godina

Koeficijent

- 1,33
- 2,00
- 2,66
- 3,00

XIII – Osiguranje od posljedica nesretnog slučaja

Član 30.

Službenik i namještenik ima pravo na osiguranje od posljedica nesretnog slučaja sa uključenjem rizika od prirodne smrti za vrijeme trajanja radnog odnosa u jedinstvenom Općinskom organu uprave i posebnih službi, i drugim organima Općine Zavidovići.

- 427 -

Visina osiguranja iz stava 1. ovog člana određuje se prema polici osiguranja od posljedica nesretnog slučaja, odnosno polici osiguranja od rizika od prirodne smrti.

Ugovor o osiguranju sa odgovarajućim osiguravajućim društvom zaključuje Općinski načelnik za sve službenike i namještenike jedinstvenog Općinskog organa uprave, posebnih službi i drugih organa Općine Zavidovići.

XIV – Naknade i druga materijalna prava koja pripadaju rukovodiocima organa uprave

Član 31.

Prava utvrđena ovim Pravilnikom pod istim uslovima, utvrđenim za službenike i namještenike ostvaruju i Općinski načelnik Zavidovići i Općinski pravobranilac.

XV – Rješavanje o naknadama i drugim materijalnim pravima

Član 32.

Naknade i druga materijalna prava predviđena ovim Pravilnikom, ostvaruju se donošenjem rješenja.

Rješenje iz stava 1. ovog člana donosi Općinski načelnik.

Član 33.

Na pitanja koja nisu regulisana ovim Pravilnikom shodno se primjenjuju odredbe zakona, i podzakonskih akata koje regulišu ovu oblast.

Član 34.

Ovaj Pravilnik stupa na snagu prvog narednog dana od dana objavljivanja u «Službenom glasniku općine Zavidovići», a primjenjuje se od 01.11.2005.godine.

Član 35.

Stupanjem na snagu ovog Pravilnika prestaju se primjenjivati svi akti kojima su se regulisale naknade i druga materijalna primanja koja nemaju karakter plaće u jedinstvenom Općinskom organu uprave i posebnim službama, i drugim organima Općine Zavidovići za sve državne službenike i namještenike.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK

Izet Bašić, dipl ing.agr., s.r.

Broj: 02-14-4789/05

Datum: 20.10.2005.godine

(M.P.)

Na osnovu člana 16. stav 3. Zakona o predškolsstvu («Službene novine ZE-DO kantona, broj 5/97), člana 65. Statuta općine Zavidovići («Službeni glasnik općine Zavidovići», broj 11/2004 i 8/2005), člana 47. Pravila Javne ustanove «Gradski dječiji vrtić» Zavidovići i predhodnog mišljenja Pedagoškog zavoda Zenica, o izabranom kandidatu za direktora Javne ustanove «Gradski dječiji vrtić» Zavidovići broj 10-1-38-25290/05 od 26.09.2005.godine, Općinski načelnik Zavidovići, dana 20.10.2005.godine, donio je

Z A K L J U Č A K

I

DAJE SE saglasnost za imenovanje **BEČIĆ** (Muharema) **SABAHUJE** za direktora Javne ustanove «Gradski dječiji vrtić» Zavidovići na period od 4 (četiri) godine.

II

Zaključak stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK

Izet Bašić, dipl.ing.agr., s.r.

Broj: 02-34-4787/05

Datum, 20.10.2005.godine

(M.P.)

S A D R Ź A J

Strana

I – AKTI OPĆINSKOG VIJEĆA

1. ODLUKA o ukidanju statusa nepokretnosti u općoj upotrebi.....	406
2. RJEŠENJE o konačnom imenovanju predsjednika i članova Upravnog odbora Javnog preduzeća «Veterinarska stanica» Zavidovići	407
3. RJEŠENJE o razrješenju predsjednika i člana Komisije za odlikovanja i javna priznanja	408
4. RJEŠENJE o izmjeni Rješenja o imenovanju predsjednika i članova Komisije za odlikovanja i javna priznanja	409
5. ZAKLJUČAK OV-a o prihvatanju Informacije o položaju penzionera sa aspekta životnog standarda na području općine Zavidovići	410
6. ZAKLJUČAK OV-a o prihvatanju Inicijative Kluba vijećnika SDP-e za pokretanje postupka zaštite prava na lokalnu samoupravu pred Ustavnim sudom Federacije BiH radi ukidanja zabrane gradnje na području predviđenom za izgradnju hidroakumulacije «Krajnići»	411
7. ZAKLJUČAK OV-a o prihvatanju Inicijative Kluba vijećnika SDA za izmjenju Odluke o nazivima ulica	412
8. ZAKLJUČAK OV-a o povlačenju s dnevnog reda tačke : - Prijedlog rješenja o naknadama za rad u Komisiji za procjenu prometne vrijednosti nekretnina.....	413

II – AKTI OPĆINSKOG NAČELNIKA

1. NAREDBA o sprovođenju jesenje faze preventivne sistematske deratizacije općine Zavidovići za 2005.godinu	414
2. PRAVILNIK o plaćama i naknadama plaće državnih službenika i namještenika u jedinstvenom općinskom organu uprave i posebnih službi i drugim organima Općine Zavidovići	416
3. PRAVILNIK o ostvarivanju naknada i drugih materijalnih prava koja nemaju karakter plaće	420
4. ZAKLJUČAK ON-a o davanju saglasnosti za imenovanje Bečić Sabahije za direktora JU «Gradski dječiji vrtić» Zavidovići	428